

新鄭縣志卷之二十四目錄

藝文志四

漢

司馬遷

子產列傳

留侯世家贊

賈誼

修政語

韓嬰

黃帝卽位

楚莊王伐鄭

劉安

淮南子

劉向

說苑

晉

杜預

遺令

陸機

留侯頌

潘岳

懷舊賦

楊荊州誄

楊仲武誄

葛洪

君道篇

張湛

列子序

唐

顏師古

鵠冠解

閨閣解

草創解

盧照隣

鄭太子碑銘

李華

留侯贊

韓愈

公孫僑不毀鄉校頌

柳宗元

列子辨

李德裕

授徐商禮部員外郎制

新鄭縣志卷之二十四

藝文志四

漢

子產列傳

司馬遷

龍門人

子產者鄭之列大夫也鄭昭君之時以所愛徐摯爲相國亂上下不親父子不和大宮子期言之君以子產爲相爲相一年豎子不戲狎斑白不提挈僮子不犁畔二年市不豫賈三年門不夜關道不拾遺四年田器不歸五年士無尺籍喪期不令而治治鄭二十六年而死了壯號哭老人兒啼曰子產去我死乎民將安歸

見史記循吏傳

留侯世家贊

司馬遷

太史公曰學者多言無鬼神然言有物至如留侯所見老父予書亦可怪矣高祖離困者數矣而留侯常有功焉豈可謂非天乎上曰夫運籌筴帷帳之中決勝千里外吾不如子房余以爲其人計魁梧竒偉至見其圖狀貌如婦人好女蓋孔子曰以貌取人失之子羽留侯亦云

見史記 按史漢皆傳留侯其文大畧相同人物志已錄班氏列傳矣故不重載而書其贊于右

修政語

賈誼 洛陽人

黃帝曰道若川谷之水其出無已其行無止故服人而不爲仇分人而不譎者惟其道矣故播之於天下而不忘者其惟道矣是以道高比于天道明比于日道安比于山故言之者見謂智學之者見謂賢守之者見謂信樂之者見謂仁行之者見謂聖人故惟道不可竊也

不可以虛爲也故黃帝瞽道義經天地紀人倫序萬物以信興仁爲天下先然後濟東海入江內取綠圖而濟積石涉流沙登於崑崙於
是還歸中國以平天下天下太平惟躬道而已
見賈子新書

黃帝卽位

韓嬰菑人

黃帝卽位施惠承天一道修德惟仁是好宇內和平未見鳳凰惟思其象夙寐晨興乃召天老而問之曰鳳象何如天老對曰夫鳳象鴻前麟後蛇頸而魚尾龍文而龜身燕頤而雞喙戴德負仁抱忠挾義小音金大音鼓延頸奮翼五彩備明舉動八風氣應時雨食有質飲有儀往卽文始來卽嘉成惟鳳爲能通天祉應地靈律五音覽九德天下有道得鳳象之一則鳳過之得鳳象之二則鳳翔之得鳳象之

三則鳳集之得鳳象之四則鳳春秋下之得鳳象之五則鳳沒身居
之黃帝曰於戲允哉朕何敢與焉於是黃帝乃服黃衣戴黃冕致齋
于宮鳳乃蔽日而至黃帝降于東階西面再拜稽首曰皇天降祉不
敢不承命鳳乃止帝東園集帝梧桐食帝竹實沒身不去詩曰鳳凰
于飛颺颺其羽亦集爰止

見韓詩
外傳

楚莊王伐鄭

韓嬰

楚莊王伐鄭鄭伯肉袒左把茅旌右執鸞刀以進言於莊王曰寡人
無良邊陲之臣以干大禍使大國之君沛焉遠辱至此莊王曰君之
不令臣交易爲言是以使寡人得見君之玉面也而微至乎此莊王
受節左右麾楚軍退舍七里將軍子重進諫曰夫南郢之與鄆栢者

數千里大夫死者數人廝役者數百人今克而弗有無乃失民臣
力乎莊王曰吾聞古者村不穿皮不蠹不出於四方以是君子之
禮而賤財也要其人不要其土人告以從而不舍不祥也吾以不
立乎天下災及吾身何取之有旣晉之救鄭者至曰請戰莊王許之
將軍子重進諫曰晉強國也道近兵銳楚師奄罷君其勿許莊王曰
不可強者我避之弱者我威之是寡人無以立乎天下也乃遂還師
以逆晉寇莊王援桴而鼓之晉師大敗士卒奔者爭舟而指可掬也
莊王曰噫吾兩君不相好百姓何罪乃退楚師以佚晉寇詩曰柔亦
不茹剛亦不吐

見韓詩
外傳

淮南子

劉安

黃帝治天下而力牧太山稽輔之以治日月之行律治陰陽之氣節
四時之度正律歷之數別男女異雌雄明上下等貴賤使強不掩弱
衆不暴寡人民保命而不夭歲時熟而不凶百官正而無私上下諷
而無尤法令明而不闇輔佐公而不阿田者不侵畔漁者不爭隈道
不拾遺市不豫賈城郭不關邑無盜賊鄙旅之人相讓以財狗彘吐
菽粟於路而無忿爭之心

說苑

劉

向

彭城人

子產相鄭簡公謂子產曰內政母出外政母入夫衣裘之不美車馬
之不飾子女之不潔寡人之醜也國家之不治封疆之不正夫子之
醜也子產相鄭終簡公之身內無國中之亂外無諸侯之患

晉

遺令

杜預

古不合藝明於終始之理同於無有也中古聖人改而合之蓋以別合無在更緣生以示教也自此以來大人君子或合或否未能知生安能知死故各以已意所欲也吾往爲臺郎嘗以公事使過密縣之邢山山上有冢問耕父云是鄭大夫祭仲或云子產之冢也遂率從耆祭而觀焉其造冢居山之頂四望周達連山體南北之正而邪東北向新鄭城不忘本也其隧道惟塞其後而空其前不填之示藏無珍寶不取於重深也山多美石不用必集洧水自然之石以爲冢藏貴不勞功巧而此石不入世用也君子尚其有情小人無利可動歷

千載無毀儉之致也吾去春入朝因郭氏喪亡緣陪陵舊義自表營
洛陽城東首陽之南爲將來兆域而所得地中有小山上無舊冢其
高顯雖未足比邢山然東奉二陵西瞻宮闕南觀伊洛北望夷齊曠
然遠覽情之所安也故遂表樹開道爲一定之制至時皆用洛水石
石開隧道南向儀制取法於鄭大夫欲以儉自完耳棺器小歛之
皆當稱此見晉書本傳按杜預字元凱杜陵人以平吳功進爵爲侯
陽侯將卒先爲遺令云云以其文于鄭大夫墓有証故錄之

留侯頌

陸機

文成作師通幽洞冥永言配命因心則靈窮神觀化望形揣情鬼無
隱謀物無遁形武關是闢鴻門是寧隨難榮陽卽謀下邑銷印其

推齊魯立通鑑固陵定策東襲三王從風五侯雲集霸楚實喪黃

凱入怡顏高覽彌翼鳳戢託跡黃老辭世却粒

見文選

懷舊賦

潘

岳

中平人

余十二而獲見于父友東武戴侯楊君

潘岳楊肇碑曰肇字秀初號陽宛陵人封東武伯薨諡曰

戴始見知名遂申之以婚姻而道元公嗣亦隆世親之愛

賈弼之山公表注曰

肇生潭字道元大中大夫次韶字公嗣射聲司馬臣松之注魏志引劉騭傳曰楊肇子肇晉荊州刺史子潭字道源次韶字公嗣

不

幸短命父子凋頌余既有私艱且尋役于外不歷嵩邱之山者九年

于茲矣今而經焉慨然懷舊而賦之曰啓開陽而朝邁濟清洛以經

渡晨風淒以激冷夕雪暘以掩路轍含冰以滅軌水漸軻以凝沍塗

艱屯其難進日晚晚而將莫仰睇歸雲俯鏡泉流前瞻太室傍眺高

邱東武託焉建塋起疇巖巖雙表列列行楸望彼楸矣感于予思
興慕於戴侯亦悼元而哀嗣墳壘壘而接塋栢森森以攢植何逝
之相尋曾舊草之未異余總角而獲見承戴侯之清塵名余以國士
眷余以嘉姻自祖考而隆好逮二子而世親歡攜手以偕老庶報
之有鄰今九載而一來空館闌其無人陳蓼被于堂除舊圃化而爲
薪步庭廡以徘徊涕泣流而霑巾宵展轉而不寐驟長歎以達晨
鬱結其誰語聊綴思於斯文

見文選

楊荊州誄

并序

潘岳

維咸寧元年夏四月乙丑晉故折衝將軍荊州刺史東武戴侯祭陽
楊使君薨嗚呼哀哉夫天子建國諸侯立家選賢與能政是以和

賴尚父殷憑太阿矯矯楊侯晉之爪牙忠節克明茂績惟嘉將佐王
畧肅清荒遐降年不永玄首未華銜恨沒世命也奈何嗚呼哀哉自
古在昔有生必死身沒名垂先哲所躋行以號彰德以述美敢託旒
旗爰作斯誄其辭曰邈矣遠祖系自有周昭穆繁昌枝庶分流族始
伯喬氏出楊侯奕世丕顯允迪大猷夫厭漢德龍戰未分伊君祖考
方事之殷鳥則擇木臣亦簡君投心魏朝策名委身奮躍淵塗騰騰
風雲或統驍騎或據領軍篤生戴侯茂德繼期纂戎洪緒克構堂基
弱冠味道無競惟時孝實蒸蒸友亦怡怡多才豐藝彊記洽聞目睇
毫末心算無垠草隸兼善尺牘必珍足不輟行手不釋文翰動若飛
紙落如雲學優則仕乃從王政散璞發輝臨軼作令化行邑里惠洽

百姓越登司官肅我朝命惟此大理國之憲章君莅其任視民如傷
庶獄明慎刑辟端詳聽參臯呂稱侔于張改授農政于彼野王倉盈
庾億國富兵彊煌煌文后鴻漸晉室君以兼資參戎作弼用錫土宇
膺茲顯秩青社白茅亦朱其紱魏氏順天聖皇受終烈烈楊侯實統
禁戎司管閭闔清我帝宮苟慝不作穆如和風謂督勲勞班命彌崇
茫茫海岱元化未周滔滔江海疆場分流秉文兼武時惟楊侯旣守
東莞乃牧荊州折衝萬里對揚王休聞善若驚疾惡如讐示威示德
以伐以柔吳夷凶侈僞師畏逼將乘讐釁席卷南極繼塞糧盡神謀
不忒君子之過引曲推直如彼日月有時則食負執其咎功讓其力
亦旣旋旆爲法受黜退守邱塋杜門不出游目典墳縱心儒術神所

縉紳升堂入室靡事不咨無疑不質位貶道行身窮志逸弗慮弗圖
乃寢乃疾昊天不弔景命其卒嗚呼哀哉子囊佐楚遺言城郢史魚
諫衛以尸顯政伊君臨終不忘忠敬寢伏牀蓐念在朝廷朝達厥辭
夕隕其命聖王嗟悼寵贈衾毳誄德策勲考終定諡羣辟慟懷邦族
揮淚孤嗣在疚寮屬含悴赴者同哀路人增歎嗚呼哀哉余以頑蔽
覆露重陰仰追先考執友之心俯感知已識達之深承諱怛涕淚
霑襟豈忘載奔憂病是沈在疾不省於亡不臨舉聲增慟哀有餘音
嗚呼哀哉

見文選

楊仲武誄

並序

潘岳

楊經字仲武瑯陽宛陵人也中領軍肅侯之曾孫荊州刺史戴侯之